

薛稷吟館鈔存

薜篲吟館鈔存

卷六目錄

題福元修少宰濟詩稿

直廬夜咏

題梅谷月舫昆季聯騎圖

和定郡王海棠四絕

題淮徐觀察趙蘭友廷熙母徐太恭人家傳後

章母劉太安人七旬代作

九月初五日

賞馬瑙烟壺恭紀

九月中旬

靜宜園勘工

題京尹陸稼堂同年應穀抱真書屋詩集

庚戌二月初十日

頒賞遺念

新店曉行

過劉李河

涿鹿早風

官道書所見

西陵勘工口號示監修等兼呈魏麗泉兵尚元娘吉季

和藩尚倫泰靈薌生桂彭咏莪蘊章少空基

潤堃大長秋溥諸同事

庚戌三月恭送

孝和睿皇后梓宮暫安

昌陵隆恩殿禮成敬誌

十一月于役易水即目

題少空彭咏莪同年松風閣詩集

涑水民舍口占

悼亡

于役感懷

又

懷賽鶴汀樞相尚阿

旅館口號

憎蠅

辛亥秋闈翁遂盦前輩心存用聚奎堂壁間韻

見贈奉和

奉酬杜芝農中堂

受田

用前韻見贈大作

前意未盡更成一律

用聚奎堂壁上韻奉酬舒雲溪少農興阿

汪莚卿太史廷儒畫簃

涿鹿道中

陶家屯秋葉

以詩代柬寄家弟子信

書所見

燕九後一日出都

途中遇雪

借寓

對鏡

有勸烏鬚者賦答

分克食

薜蘿吟館鈔存

臨黃 柏後

題福元修少宰

濟

詩稿

豔戲蘭苕怒掣鯨屑珠霏玉為心傾從知仙籍無凡骨
况值輶軒發古情落紙雲烟顏魯國驚人篇什謝宣城
吳江泛棹當年景燈炮官廬客夢生

時寓
直廬

直廬夜咏

春寒料峭夜難禁獸炭灰深只自溫窓外朦朧天欲曉

陽和畢竟待朝曦

題梅谷月舫昆季聯騎圖

雙龍蹀躞山水邊
玉帛金友爭揮鞭
攬轡澄清志無異
元方季方誰欺賢
名兄黃甲首臚唱
才轢枚馬揮雲烟
中年投筆事關塞
三萬里地輕言旋
退飛六鷁風翩健
矯翼仍集夔龍前
介弟展足出儀省
三江治化無私偏
九夷撫綏聯衽席
坐令蜃海消波疇
時官上海道機雲名自滿
天下籊雲逐日分
翩翹我以葭莩愛
棠棣偶披妙

墨心怦然羨君前程遠無極振衣驤首摩青天

和定郡王海棠四絕

春陰深護錦雲叢幾樹新苞小院中未許西川誇盛麗
一枝枝鬥淺深紅

嫩寒小雨惠風斜珠朶催開滿樹花玉脆紅輕饒有韻
新晴到處絢朱霞

紅雲愛咏放翁詩夜宴新亭半醉時春色滿園看不足
也燒銀燭照芳姿

庭前細襯草油油
鸚綠猩紅分外稠
却笑少陵詩句少
朗吟絳雪倚層樓

題淮徐觀察趙蘭友

廷熙

母徐太恭人家傳後

醫巫閭鎮何蒼蒼
大凌河水何湯湯
山川毓秀有佳氣
三韓望族坤儀彰
東海夫人最慈孝
傳之家乘昭馨香
少小賢聲達鄉里
工容言德無姬姜
眼前經史照如燭
胸中義分明於霜
金張世契協鳳卜
和鳴一室聆鏘鏘
紉箴佩悅效鍾郝
晨羞夕膳歡姑璋
有時忍饑操井臼

特儲甘旨供高堂少君挽車同御母伯鸞舉案能隨梁
家貧親老相夫子艱辛離過躬皆嘗丸熊畫荻推善教
典釵截髮咸義方旁周宗鄰矢誠睦下憐臧獲歌慈祥
動容不苟惟中禮積善之家多餘慶庭前森森芝蘭樹
天上濟濟鸞鸞行令子觀察起黃甲板興侍養官維揚
大年已屆八旬外淑範特立千秋坊金閨不僅里閭式
彤管久作邦家光我昔宦遊走山海景仰曾拜松楸旁
醫巫問鎮何蒼蒼大凌河水何湯湯譙國夫人自不朽

高風應與海山長

章母劉太安人七旬

代作

雪髮朱顏七十強
華筵今日集冠裳
家聲建浦科名艷
世系彭城姓字揚
玉樹新承仙露重
重護闈舊賜紫泥香
雲璈奏罷青禽下
定有靈仙宴一堂

九月初五日

賞馬瑙烟壺恭紀

丹邱妙製襲黃綾

馬瑙石似
玉在丹邱

珍重擎來喜不勝
極品頭銜

容物久

蓋用紅寶石

至尊手握麝香曾

上所常御餘烟猶存

感

君恩

渥三霄露勗爾心如一片冰當日薛端誠獻納服膺味
外倍凌兢

九月中旬 靜宜園勘工

久艷香山境朝端散玉珂園林正葱蒨風日况清和
輦路平沙淨秋坪落葉多不辭車輦确指點問烟蘿
山近行偏遠亭亭 禁苑高幾人爭健足千里察秋毫
霜葉紅於茜風林碧作濤只疑塵海外何處奏雲璈

昨遊蒼雪菴

九日登寶藏寺

望眼極東南今陟千重翠全卑一角

嵐秋林紅絢爛

絢秋亭名

湖水碧沉酣到此歎觀止如凭天

蔚藍

超絕停雲館

在山最高處

登臨眼倍明夕陽留遠塔薄霧認重

城古木凌虛境

館名

飛泉對瀑聲

岩名

三山皆海上名手畫

誰成

聖製有尺恐名工畫不成句

題京尹陸稼堂同年

應穀

抱真書屋詩集

幾卷新詞冰雪同掣鯨戲翠筆誰工科名卅載尊京兆

家法一時推放翁清簾疎簾秋雨後蟬琴蚓笛夕陽中
焚香攤向窓前讀滌盡塵懷向晚風

一天秋色太原城太守曾傳謝眺名燕寢凝香留治譜
石闌點筆寫閒情尹茲三輔倍心折投我一編猶眼明
自媿年來吟興減無多佳句答新聲

庚戌二月初十日 頒賞 遺念

乍捲朝簾 御案高跪擎 恩賜倍豪啣紅絨結頂豐
貂帽素服章身四袂袍一握玉壺鮮瑪瑙雙飄金線繡

荷苞歸來什襲
神龕上留與雲仍誌
厚膏

新店曉行

一鞭詰旦出神州
料峭春寒似早秋
西望望山山色好
倒和曉月印清流

過劉李河

千古傳疑王鉄竿
一條斜倚石扶闌
無端又渡琉璃去
風吐蕭蕭易水寒

涿鹿早風

陡送含沙勢封姨較虎狂漫天日影薄匝野樹聲涼立
脚人須穩瘖蹄馬不良慎無爭捷足犖确是康莊

官道書所見

鈎輶古道中多少計偕公坐此二把手居然一帆風小
蓬圍似幄半壁卧如弓小小旗招颭先占捷帖紅

西陵勘工口號示監修等兼呈魏麗泉兵尚元煥吉季

和藩尚倫泰靈薌生桂彭咏莪蘊章少空基

潤埜大長秋溥諸同事

庶吏不可為斯言聞有素窺其意所存無乃憫流俗我
輩受殊恩報稱毫無具承命葺陵園肝膽要披
露況值國恤頻縻帑方處處倘存染指思何以答
恩遇但恐衆工師陋習沿故步無論萬斯千先為留成
數應示坦白衷阻彼夤緣路裁損此陋規萃財在料物
其他衆督修必須籌寬裕彼有車馬費彼有酬酢苦一
切旅貲繁不能皆已出我籲工料堅小費未可怵庶幾
效子來神基萬年固願言告同志風聲貴先樹

庚戌三月恭送

孝和睿皇后梓宮暫安

昌陵隆恩殿禮成敬誌

太姒徽音邈仙鸞歸璫林

蹈和

慈聖志

達孝

至人心

輦路盧溝界

橋山易水潯黔黎切瞻就旁

跽起哀音

坤位奠

神臯

望仙山在
昌陵西南

隨行萃六曹柳陰迎素旄草色

映青袍

扈從官皆青長
袍掛冠去纓

冊

寶沉檀匱

鑾輿錦繡條夕

陽山外指 蘆殿五雲高

三百里長堤平沙淨不泥 殿新行幕繞網細列城低

風幟連營展星燈五夜齊詰朝 行蹕早村落已鳴雞

百日 迎暉殿三春 華蓋山西陵照山 來龍啓 金井

儀鳳閣 珠顏中有照山名九鳳 玉篋唐陵翬銀燈漢寢閒他時

鳩匠作敬慎敢辭艱去歲始占吉地為昌西陵添派余承修

十一月于役易水即目

三月易州行柳條初蘸水今來督亢陂祥雲散梅蕊隆

冬見三白已兆綏豐喜我過蘆溝橋珪壁壓原隰田家
農務閒牛卧深巷裏曉日紅滿牆閉門猶未起惟見官
道旁行人去復止冰霜初九天裂膚欲墮指今歲四往
還時光箭激矢浩浩歎逝波盈盈瞻彼美西望大房山
迸落芒屨底何時陟名藍俶詭觀止矣

題少空彭咏莪同年松風閣詩集

高閣聽松松入風波濤萬斛瀉空中掣鯨戲翠篇章富
咀徵含商氣象同文軫已周閩嶠遠吳囊不類聖俞窮

嚼梅試向芸窗讀手筆誰能柱下工

涑水民舍口占

尋春偶到老農家學舍如舟隱白沙窓畔數函書散亂
壁間幾處字欹斜綠陰已過粉榆社紅氣猶餘桃杏花
暫解征鞍來借榻一宵清夢卧雲霞

門楣大書
卧雲二字

悼亡

辛亥五月哭
費真夫人作

中饋勤勞賴爾賢稠桑難覓路三千最憐新茁蘭芽短
一現曇花也溘然

纔知難覓返魂香
怛化從容絮語詳
老淚雙揮小兒女
怪他繞膝尚呼娘

來嬪當日笑生稊

余年五旬夫人來歸

滿擬狐邱送我西
君似姮娥

奔月窟我如牧犢泣郊堤

有娘白髮漸衰殘
有弟青年試一官
易簪時還頻目我
莫教母子泣飢寒

年年午節哭親墳
何意蒲觴酌細君
歎煞東坡老居士
撫孤鞠女賸朝雲

避賢曾約賦歸與遺挂空存金縷裾女未及笄男未冠
向平心事定何如

殯宮東出未兼旬又賦皇華易水濱宦海乘桴吾亦畏
願從仙覓五夫人

待漏趨朝望啓明莊姜不愧賦雞鳴昨宵窓外瀟瀟雨
怕聽風鈴滴瀝聲

出門強作笑顏開豈盡紅塵念未灰午夜徬徨時坐起
不禁悲已自中來

夫婿生年陽刃多，
莊休五度鼓盆歌。
青天碧海無窮恨，
四十餘年一刹那。

平生管蒯幾縈心，
舊恨新愁爾許深。
無可奈何時已暮，
雉飛都付廣陵琴。

玉軫珠徽韻不調，
五絃續盡鳳麟膠。
從今不奏和鳴曲，
獨抱枯桐尾半焦。

于役感懷

時督工
易水

遠游可寫憂游遠，
憂難割慕若繭自縛。
推排不解脫喪

明卜子賢鼓缶莊生達我非賢達人寸心時蹙額斗憶
廿載前木天居榜末四月山荆萎五月大椿拔長男甫
周晬優婆花不活今茲復類是書空空咄咄况值庚伏
初青蠅甚鷄鵠玷壁意何居拔劍情詎過長吟戎駒支
不答南宮适吾亦無一言皈依摩訶薩

摩訶薩華
言寢息

又

男兒識字麗于憂迂拙何堪肉食謀棄妻子真同敝屣
與朋友共枉輕裘也知曾母能投杼不分章惇解覆舟

自信夜行忘犬吠早將定命忘孫劉

顧顗之著定命論述辛毗之言孫資劉放皆魏人

懷賽鶴汀樞相

尚阿時督師
粵西

孫恩跳蕩聚祆霧上相乘春指桂潯農部筭緡諸道亟
尚方 頒劍 主恩深九州節度唐光弼七寶莊嚴隋
德林何日烟銷大籐峽刀耕火種奠蒼黔

連歲風烟鬱不開經綸端重范韓才 九重頗牧從天
降一片旌旗壓地來時雨早教烽火息捷音不待 璽
書催步檐幾度西南望欲製饒歌繼喜哉

旅館口號

等閒跋涉到山陵
旅邸如舟暑氣蒸
除却督工無箇事
倚窓閒坐撲蒼蠅

憎蠅

我聞夏二子
古人曾唾罵
豈知蠅之醜
品類斯尤下
直同狗苟儔
難與蚊文亞
不過附驥來
熱中小人乍
慕羶時鑽窓
逐臭甘入胯
指彈不解飛
劍逐不知怕
未作集筆祥
乃多玷壁詐
轉眴秋風來
笑爾同腐化

辛亥秋闈翁遂盦前輩心存用聚奎堂壁間韻

見贈奉和

卅載詞華景契深

君與先兄會試同年

秋來喜共鑠闈臨論文昔入

芝蘭室

癸巳余任司業君署祭酒

炙味重遊蓂莆林座上醇儒春靄靄

謂杜芝農協揆舒雲溪少農

燈前清話夜沉沉平生道誼師兼友未隔當

年一片心

奉酬杜芝農中堂

受田

用前韻見贈大作

河聲嶽色景高深海寓文光入照臨桃李園中開萬樹

唐來以食金不

三

公屢握文衡

桂蘭堦下聳雙林

詰嗣繼國太史現督學楚北筠巢少空曾典試江南

三秋天正占

星聚一瓣香如藝水沉
帀月追陪應領識
掄才無限惜

才心

前意未盡更成一律

卅年文望重
騷壇門第高
華海內難為
帝者師當

帝世得春之氣
領春官

公以協揆總理儀曹尤為異數

祖孫父子科名貴禮

樂詩書教澤寬我亦
九重香案吏
時時瞻拜五雲端

用聚奎堂壁上韻奉酬舒雲溪少農
興阿

萬里龍沙冰雪深
花門曾拜使君臨

奉使新疆
馬跡殆遍

竭來橐筆

依溫室共喜量才到
菰林講武時
看風翠俏

君以軍功
賞花翎

論文不覺月珠沉
苔岑臭味叨陪久
一例蘭言愜素心

汪蕤卿太史廷儒畫簃

當年曾泛秣陵舟
水色山光豁遠眸
畫出樓霞高處景
兩三帆影一江秋

涿鹿道中

曉從茅店策征鞭
督亢秋深景正妍
旭日帶霞初出海

緇塵如霧欲漫天
滿郊紅葉有奇趣
壓壠黃雲非歎年
準擬西山作重九
風塵淨埽菊花前

陶家屯秋葉

經雨經霜夕照中
淺黃殘綠間深紅
陶家屯北千林外
點染秋光特地工

以詩代柬寄家弟子信

有弟有弟頽而長
三年前是紫薇郎
九邊一旦遠游牧
伯勞飛燕遂分張
昨秋急足遞尺素
道將報最朝天

王阿兄聞爾來淨埽竹徑開房廊小妻知弟來學作邱嫂羅壺漿兒女願叔來候同稚弟嬉中唐下車握手各悲喜不禁老淚先浪浪最喜慈孀身健康再喜爾政多聞望膝前小阮可憐愛折腰索抱親非常九重入覲聖恩重秩加五品新冠裳所悲聚首未弔月驪歌又唱天一方餅金脫贈不足恤孝養願爾娛高堂含飴有味且將母憶莚不必常思鄉阿兄宦海溺已久急流未敢收帆檣漸看霜雪上鬚髮無復火炭留中腸今老無

能為也已燭之武語堪叅詳最哉鵠原知奮翼冲霄為
作門閭光

書所見

檐前有蜘蛛擁腫如車輪情絲積滿腹彼乃誇經綸背
人時撒漫天網封豕長蛇饕餮想貿然一蝶過花牆偶
觸危機如祿襁瑋璫弱翼胃難開含沙射影悄然來探
爪欲作鶯捎勢時也岌岌乎殆哉旁觀者我意氣豪長
竿手握如操刀天風一陣解縛束蝶蘇困矣蛛潛逃蝶

心驚定始知痛粉衣梳展飛不動陡然而悟冲上天棚
相去醒莊休夢

燕九後一日出都

昨日日何煦今晨風轉涼人心期不爽天象竟難常九
九寒消盡番番雪未央吾生隨適耳奚用卜行藏

途中遇雪

搗碎蓬萊玉萬箱天公游戲糝來忙礙人道路招人埽
逐我輪蹄較我狂未免腳踪分黑白諒無心事作炎涼

九重離照出琮液壓殺畦塍三尺蝗

不似霜嚴似雨濡稱祥說瑞五花塲因風漂泊嬌無那
比玉晶瑩皎易汙萬井黥黎爭仰望一時草木待昭蘇
陽春布澤方乘令莫管行人怨道塗

借寓

栖遲易水潯卓錫儼禪林無復離羣思有時出世心三

叅如禮佛

每日卯酉巡
寮午時上祭

半晌得行吟浩浩市聲起入山知

未深

對鏡

菱花相對轉相尤曾幾何時雪滿頭人未六旬官一品
事無半點足千秋不如歸去陶元亮且作逍遙馬少游
欲作問天先自問偷閒負義汝安不

毫無裨補况經綸敢以衰殘遽乞身中饋凋零歸羽蛻
半生奔走悔風塵耽虛守寂非吾事後樂先憂羨古人
惟記武侯當日語死而後已是为臣

有勸烏鬚者賦答

花甲將周嫠婦同信天翁豈黑頭公半生髣髴都非墨
四皓容顏久不紅那有閒情工點染須知本色是英雄
畫眉筆付張京兆不向璫閨媚小童

分克食

護世城中日日過果筵布施勝瑜迦大家分得墻間祭
笑比齊人饜足多

春分日晚步

去秋逢閏月節氣今較早正月即春分已綠窻前草漸

看滿院花木新不覺催人鬚髻皓我時無事似犀首逍
遙游乃居村堡比鄰偶聽人讀書行飯時觀農擊菓森
森大樹少將軍挺挺枯松稱太保眼前生意徧郊原却
愛夕陽無限好

旅舍讀書

壯不如人況老夫興來惟與古為徒身將隱矣家何有
心寡營時病轉無寵辱皆忘真混沌眠餐俱適是工夫
攤書窓下拋書坐靜數牟尼百八珠

清明日讀瀧岡阡表有感

一首歐文讀未終不禁老淚洒東風
三朝錫命臣皇

考未異當年崇國公

花獻佛多

殿上新

是日 隆恩殿
行清明節禮

故園東望倍傷神瀧岡

阡畔逢寒食不拜松楸又一春

門人李春生起部仲良饋食物賦謝

長吉重逢易水濱往還京洛已兼旬

君前月旋
都今返

我如犀首

忘為客君竟豬肝不累人食笋題糕借用一時好荔芭菜

甲滿盤新媿無長物供琮報四韻吟成報好春

遣興

窓前紅燭淚成堆枯坐三更漏屢催怕向簾牀眠不得
許多往事上心來

失侶征鴻警意多數聲嘹唳遠山河弋人空向雲邊望
知爾冥冥未可羅

君問歸期却有期桐芭初拂上旬時此行自笑無多事
為少行囊數首詩

值班紀事

幾度暄和幾度涼
亂山高下又斜陽
我如開竇聞鸚鵡
日向峯頭哭上皇

二月望後又雪

清明已過艷陽催
滿意看花次第開
六出雪偏連夜降
廿番風轉挾寒來
山披銀甲青何在
草屈金鉤綠不回
只有山人無事甚
圍爐相賞發春醅

觀演龍輜車恭記

咸豐二載紀壬子臣以太宰忝恭理自開篆日西南行
漢寢直班一月矣大塋遴期暮春初司空習儀來易水
散塗龍輶憶禮經前期隧道開堅壘板排鱗次建瓴勢
兩列深槽錠木軌榆床半路聯石床璿瑜塼布平於砥
銅范四輪各百鈞上有匡牀昇經甌龍山之墩高下殊
闕以金櫺穩無比較尉展軫扈近官綢蒙吉莫皆黃屐
將軍雙柱峙其旁長絙倒曳毋輕弛復有八木號自行
更番交替前後徙輪如四爪步雍容環繞八人行邐迤

共聽響尺為指揮曰行則行止則止只聞香味出輶輳
稍異隨刊乘橈標轉輒緩送金井間蜿蜒一霎如雲委
攀髯方泣鼎湖邊擎空已入風雲裏石門一閉仰穹蒼
惟見 珠丘高嵬巋

潘芝軒太傅重宴鹿鳴詩屬和

嘉賓旨酒聽謳吟禮備菁莪慶有壬歲歲遷鶯聯上第
呦呦鳴鹿矢新音升歌迭奏萃蒿句勝事流傳桃李陰
惟有 宮師多壽豈重周花甲冠儒林

六十年前蘭譜盟曾誇稽古有桓榮奪標此日同庚甲
題塔當年舊姓名共說秉鈞千古重肯教好爵一心縈
公家自有傳魁脉苹野重聽繼世聲

嘉謨碩學契 堯仁龍首黃扉第一人江左謝安工嘯
咏山中宏景備 諮詢孫枝新與探花宴祖幹常留奕
葉春壽世未忘勞補衮韋平勲業奠中宸

羣英濟濟脫寒氈何幸耆英共紀年攀桂一朝開喜讌
吹笙幾輩醉芳筵省南揚觴尊元老斗北修名締衆緣

載勵前修繼春榜霓裳同詠大羅天

音春圃觀察德布手書清平如意圖並印章挂

屏四幅見貺索賦

觀察贈我清平如意圖揮毫落紙雲烟粲字耶畫耶二
而一意之所造妙與天工俱象形諧聲會意無不有吉
祥語借書於手清字有類冰壺空如字又作龍蛇走公
言習此五十年凌轢草聖能空前即今壽筭將開八心
正筆正全其天我承嘉貺欽墨寶心顏頓豁為傾倒願

持普祝震旦中鏡清砥平如意人人早

血樣紅泥雪樣藤摩挲鉄筆憶吾曾重揩老眼撫新印
未谷三橋未擅能

讀蜀志感事

壽夭於臣豈偶然譙周雖老作降牋孔明壽五十四孝直法正壽四十五
不周甲火德其衰欲問天

黃金臺

聚得人才賴此財雪讐不負築高臺英雄入彀古同嘅

不有黃金招不來

畢竟燕昭壯志多黃金不惜築嗟峨姑蘇亦有高臺在
其奈夫差逸樂何

督工易水咏莪贈詩即和

一疏得佳壤君言大矣哉

原勘地未
佳奏改

成城推衆志逐隊媿

吾才于役仙山下頻年易水隈告功追曩昔顏笑一時

開

陶屯晚步

夜雨惱行旅乍晴朝旭涼年光過白露禾稼半登場行
飯荒村外科頭古樹旁田家風味好無語對斜陽

中秋對月

良宵獨坐望遙天銀漢無聲一鏡懸織女素娥同寂寂

無言相對只相憐

余悼亡
一年矣

讀史有感

君子本無朋小人扇危辭幸災而樂禍一倡百和之一
篋讒謗書四言鷓鴣詩若非王聖明其禍不可知士憎

茲多口孟亦慰藉詞我生有定命語久聞辛毗所以鑒
韓彭去從赤松師不然學蘄王瘦蹇湖上騎

書文孔修慶詩後

頻年未得讀君詩楊柳芙蓉想像之今日偶傳黃絹句
不勝哀豔感心脾

孔修贈詩率和

劇談原覺情難盡畢竟能消萬斛愁矮屋避炎過半夏
異鄉為客共中秋相思慰我許元度行樂何時馬少游

準擬春明作重九勞勞依舊築騏驎

壬子武鄉試外場紀事

燕趙悲歌多將材偶然試士上金臺四圍天象星辰列

辰宿
列張

十月風威西北來

棚座皆
西嚮

箭十三條看技勇錄雙單好

策英才他年禦侮宣猷去踴躍當如擢第纔

上將橐韃猛士刀糾桓我欲拜卿曹功成一將資羣力

勇冠三軍玩六韜許遠斫筵非客氣華元棄甲詎人豪

犁庭埽穴天南望太息空教撫孟勞

韓小亭觀察

泰華

世讀出示吾師三橋夫子杏

墅課孫圖遺照敬題

祖翁退食重傳經一卷携來竹簡青
彷彿杏壇親授受
子思子學鯉趨庭

昔年事帳厠羣英此日披圖心倍傾
敬識會飴尤樂處
一林絳雪讀書聲

薛篴吟館鈔存

卷七目錄

出都即目

甲寅新正道出玉田題顧子山比部

文彬

可自

怡齋詩集

以詩代柬致何蕙舫銓部

棧

蕙東顧子山比部

文式如銓部

玉

寄懷淑婷妹蕙致麟梅谷妹倩

魁

道出閭山題及門何蕪舫銓部聞和見曉齋詩

賦稿

小凌河大風

羽書

捕蟲謠

皇華館偶作

大凌河水手頭目乃中婦也偶成

感觸又作

上莊

寓喜峯口三官廟

三河縣

遵化懷古

寓塔兒山藥王廟

湯敦甫師相重赴鹿鳴紀恩詩恭和元韻

一車

燕郊道中

甲寅嘉平權鎮蘭陽麟梅谷妹倩以六旬賤降

寄祝即步元韻

馬蘭襍咏

桃花寺

靜寄山莊查工

游盤山

讀盤山志

登盤山放歌

倦游

五月朔 裕陵祭畢查鹿園率子姪輩游天台

山

廣仁嶺

酒仙廟魯班祠

咏老少年

磬錘峯

九華山寺

秋郊即目

韓魏公罷相鎮長安或獻詩曰是非莫問門前
客得失須憑塞上翁何似碧油紅旆去鄴王
臺下醉春風公遂解組去客有以此見諷者
余曰彼一時此一時仕止久速惟聖人能得
其當耳因示一絕

會龍山海雲寺

布達拉

扎什倫布

秋操四行

羅漢堂

普甯大佛寺

重九日攜藩部富靜齋明比部張起東震龐省

山際雲及子姪輩大佛寺登高

戲染鬚

釣魚臺道中

兩家子

二道河子

郊金壩

瓦房遇雪

橋頭曉行

過老河大風

午餐口占

大姑山

回署

探礦行

旋任京師留別賽雨亭觀察

薜蘿吟館鈔存

臨潢 柏葭

出都即目

雨雪慣行役東都四度來

戊戌臘月赴工侍任甲辰正月使朝鮮丁未修殿工兼查東邊茲行又逢正月

客疑憎熱去梅愛觸寒開久戍貌貅倦

八里橋防堵

微聞鴻雁

哀歲除三尺澤惟祝阜民財

客臘大雪歷年所無

甲寅新正道出玉田題顧子山比部

文彬可自

怡齋詩集

知交謂我解聲詩一卷琳琅手自持心苦定能諧玉律

詩皆試帖

眼明殊勝刮金鐫嚼梅吟盡三十

平聲

韻

詩分上下平聲韻二百餘首

和

雪慚無百一詞孤館寒燈上元夜高歌豈止自堪怡

以詩代柬致何廉舫銓部栻兼致顧子山比部

文式如銓部玉

詩興推何遜奇才說虎頭式如堪並駕而我賦同舟倒甕酒初熟試燈風正柔荒村上元節一醉肯來否

寄懷淑婷妹兼致麟梅谷妹倩

魁

京洛揖同生行行六七程應疎鷓鴣驚侶

時與妹倩同
管內務府

難恕

鵲鵲情節氣寒猶勒天心慘不晴

連日陰
冷特甚

王師應靖逆何

處結連營

道出閭山題及門何廉舫銓部聞和見曉齋詩

賦稿

人嫌才子才多陸海潘江未是過牘寫三千愁婉脫
宿涵廿八儼胸羅蘭成哀豔江南賦斛律悲涼塞下歌
我對好山吟妙句冰甌滌筆快如何

當年白下細論文一代龍頭舊許君

生為丁酉南
關所取士

自是前

身有仙骨應緣世德誦清芬鈞天九奏箭韶樂震旦千
秋翰墨勲何必蓬山能屬草騷壇定足張吾軍

小凌河大風

山河繚帶日淒曛響門風沙怒萬分我與封姨角聲勢
朗吟弔古戰場文

羽書

羽書傍午逼畿閩未料餘年值不辰雀角難平慙我輩

蛾眉不讓笑伊人似居樂國不思蜀竟說桃源可避秦
身在遼東心冀北何時重睹太平春

捕蟲謠

天生萬物用不同貴者人耳賤者蟲跂行喙息稟生趣
羽毛齒草供人工不知蟣蟲之來自何處也自潛滋得
生聚偷息禪中也號官爾不傷人吾亦許吮吾血嗜吾
膚繩繩孫子胡為乎茹毛麗裏不知報大嚼反噬無時
無有時如蟲蚋不飛而不鳴有時偕跳蚤一吓人心驚

有時方對客隔鞞搔不成有時遊相鬚露醜尤無情我
生非有倪迂潔四體爬撓日不絕無能長爪倩麻姑大
將之指擗掌血人言穢垢方藏留又言見惡如鵩鷃偷
閑習靜自搜剔無俾遺種心方休既而思之我之一身
亦小國善者良民惡者為蠱賊即今羣盜弄潢池埽穴
擒渠竟難得克楚深憂士變言姑教法網開一門惟看
王猛高談處袖手時時袴內捫

皇華館偶作

震天金鼓近神州王粲春來賦遠游五夜衝寒天子使
四郊多壘大夫羞于公治獄非求福官吏皆諛予為瀋省福星杜老吟
詩慣寫愁上已花朝匆促過長安西望欲登樓

大凌河水手頭目乃中婦也偶成

村店名傳禿老婆草生青塚歷年多不圖遼水遙分派
又見傾城喚渡河川后有靈應識我鮫奴銜命乍凌波
無鹽不惹封姨妬穩坐輕舸發浩歌

感觸又作

兩度金陵泛客槎
秦淮對岸閔吳娃
珠簾繡幙千行柳
錦纜牙檣一簇花
驚鷗今排娘子陣
逆匪亦編女軍
鴛鴦昔夢可
兒家莫愁湖上愁
何限多少新魂哭暮笳

上莊

愛此上莊好行來
深密間松杉萬家樹
泉石四圍山面
貌人疑古身心我亦閒
朝曦峯頂上僧尚掩柴關

寓喜峯口三官廟

送我最高處招提分外寒
人烟低萬戶廟貌冷三官
榻

側容雙僕菴中缺一餐明程關塞外指點幾凭欄

三河縣

三河縣不止三河行潦縱橫旅怨多漫道下流農所棄
而今隨地是恩波

遵化懷古

西風獵獵亂山紛馬首東來日又曛鐵厰升僊雙處女

元時事見
燕山叢錄

石門殿塞一將軍

石門峽有
石將軍像

即今軍餉勞籌筆南

望烽烟暗暮雲

時賊據
連鎮

關砦喜無兵火警鹽城守促久無

聞

寓塔兒山藥王廟

國手羣欽古聖神莊嚴廟貌一時新入門不乞長生藥
何術能醫四海貧

湯敦甫師相重赴鹿鳴紀恩詩恭和元韻

卅年絳帳荷栽培立雪趨風杖履陪品學一時符

獎諭文章幾輩起衰頽朝端素藉臯夔業門下真慙游
夏才奎藻輝煌瞻拜際庭前欽企重低徊

鶴髮松姿侍從賢者臣今又預 恩筵 青宮舊列賓
師位黃閣曾看姓字懸九袞猶勤希衛武六旬懜學愧
彭宣瓊林指顧重開宴擬和陽春第二篇

一車

一車兩馬日隤頽初九嚴風試冷纔人笑老夫行役獨
今年四度上 陵來

燕郊道中

幾日嚴霜下九天衝寒一路策吟鞭豐貂白簡慙今日

特降補副憲

名駿丹垣憶往年村犬狺狺如豹吠奚奴款款學

蠶眠此行喜不為牛後莫令詩人咏獨賢

甲寅嘉平權鎮蘭陽麟梅谷妹倩以六句賤降

寄祝即步元韻

丁年同倖列名經卅載名場各泛萍往日風波過水驛
殘年雨雪拜山靈日邊冠冕千重紫雲外烟嵐一抹青
弓劍鼎湖遺蹟在 橋山高處見金星

山名

本是蓬瀛小謫仙罡風吹下大羅天班超投筆私心喜

崔顥題詩遠念牽馬齒初增周甲日鰲頭恰值咏新年
龕官轉盼成灰代歡晤華堂芝壽前

馬蘭襍咏

路轉峯廻水一灣襍花生樹翠微間雄邊立馬高原望

小小孤城萬仞山

鮎魚關口

山脊山腰樹樹紅長松新柳靚青蔥老夫坐鎮桃林塞
放馬歸牛太古風

埽墓家家壓紙錢清明時節徧山田隴岡羣阮應思我

曾拜松楸是去年

春日尋幽到野菴方塘半畝水拖藍珍珠散出溫如玉

不似驪山似濟南

福泉寺

桃花寺

古寺說桃花精舍依

行殿我來值春三不覩紅妝面

幾枝富貴圖

佛殿前有白牡丹一株

零落伽藍院只有後山泉飛流

垂白練

靜寄山莊查工

西來秀色撲眸青樹杪樓臺認幾層

石佛殿半天樓
數里外即見

自喜老

夫腰脚健振衣直上攬雲亭

山莊極
高處

年來年力覺龍鍾陟攬雲亭足已慵不及么膺小蜻蝶
趁風飛上自來峯

游盤山

非復昨朝熱揚鞭棧磴間浮雲能蔽日助我好看山不
覺羊腸曲偏教馬足閒精藍遙指處仰首尚孱顏

幾曲陟山岡初登般若場辛勤翻得樂自在轉成忙呼

吸通天籟烟塵歎下方僧離休絮問我比謫仙狂

雲界寺

中嵩有少林禪悅一鼻祖地名將毋同源流孰今古不

聞佛法興

舊名法興寺

拳勇邁貌虎名僧無一人何處去肄武

最愛萬松寺峯竒爾許高石皆蹲虎豹風總湧波濤健

步人皆倦危行興轉豪如來如可媚我欲效卿曹

會期善信頗衆

讀盤山志

太行千折走邊門何處栖遲李愿村地下予春應一笑

兒童饒舌為爭墩

登盤山放歌

宦游三十年攬勝為不少耳艷四正山未試鹿盧蹻
來正值春三月麥苗滿地水田遶蠟屐初登第一峯

謝榛

詩蘭北來
游第一山

披衣乍趁天光曉偶携同志人兩三胸懷都不

塵絲擾峯腰大石即欽崙爬山虎疾如飛鳥攙雲亭與

半天樓

山莊內
二景

俯視心揺舌上橋少林東竺少低徊漸覺

烟嵐出八表高高下下仁而復一登雲罩何明瞭四面

雲山石浮動

山莊內
二景

諸峯羅列兒孫小四顧蒼茫百感寂

盧龍白狼殊了了芒鞋下現兜羅繇雷雨山中聽幽藐

挂月峯頭塔一枝舍利如珠色皎晶眼前亭午風日清

無待神燈似庭燎佛燈為山中靈跡仙乎仙乎若凌虛御風高舉

鳳縹縹漢書鳳縹縹其高逝三盤之勝松尤奇瀑飛千尺雪山莊內西景皓

湫萬松之寺松億萬虬龍拏攫紛夭矯瞭甲石高蹟已

陳舞劍臺空人已渺一燈大米畫石頭千點蒼苔襍林

標東風楊柳半藏鴉僧愚谷雲罩寺詩依依楊柳欲藏鴉社後東風捲落花見指月錄杏花如共

梅花標僧智朴山志云清明穀雨時萬壑青松十里紅杏天然圖畫此時煮茗石上看白雲聽流水相對忘言覺五千四十八卷殊甚饒舌也下

至天香日已暝玉盤斜挂疎松杪倦極歸來踏壁卧夢
魂五夜猶縈繞

嘲盤長短句

喚起之鳥牆上聲楂楂贈策之客門外簔頻撾濟勝已
蠟阮孚屐乘標不待張騫槎久聞漁陽山有松石水三

盤勝境蔑以加韋鑾畫本無此好

張彥遠名畫記韋鑾弟鑾
工山水松石未免古拙

田

疇李愿誰居耶豈知乘興而來興盡返所聞不遠空嗟
呀既不如靜宜園之林壑信幽美復不如圓明園之水

木湛清華避暑山莊塞以外曠遠深秀滋強些緇流墨
客少所見怪竒瑋麗徒浮誇我昔游白下兩度登栖霞
二島海邊青未了一帆江上風橫斜西行曾陟太華頂
青柯十丈開蓮花泰岱峯頭五更日有耀澄海樓外一
碧天無涯登山山高望水遐有如癢處頻搔爬茲山未
免小巫見大覲南岳北隴笑眼騰麻茶震旦名區率尔
尔其餘瑣屑如蟲沙我也性同鱗羽愛邱壑探幽不厭
譏紛奢買山錢或借劉尹落帽往往逢郭嘉何時謝絆

拋烏紗荆關為我一
一臨嶺岬壁上四角張畫叉田園
將蕪吾歸家

倦游

倦游返旆雨淒淒雲鎖山腰一帶低
畦畝縱橫青綠畫
稻田水滿麥秧齊

五月朔 裕陵祭畢查鹿圈率子姪輩游天台

山

闕殿明禋散曉班
呦呦小隊態何閒
正逢端節人同樂

遙指天台路可攀，偶尔片雲仍蔽日。使余半月又看山。

四月望登盤山天時已熱
游日適微陰今午亦然

瞻咸儻從歸來笑我輩，今如劉阮還。

廣仁嶺

西郊獨上最高峯，四顧蒼茫嶺萬重。栖畝黃雲村歷落，
際天翠靄樹葱蘢。近依御苑園驛多，遙接興安走幹
龍。瞻仰小亭留睿藻，當年侍從拜恩濃。

酒仙廟魯班祠

廟祀呂仙及劉伶
杜康後有魯班像

公輸何事降雲旂，縱飲酣眠共一祠。莫聽朗吟須猛醒。

修為尚是太平時

咏老少年

錯認雞冠花幾叢
絳綃黃絹襖青葱
華顏酷似吾翁醉
秋老霜寒分外紅

磬鋤峯

孤標特立絕攀援
俯視羣峯直子孫
砥柱一枝留艮嶽

天然夕照映仙園

山莊三十六景
一曰鑄峯夕照

九華山寺

停鞭陟九華散步梵王家
振葉三秋水霜林二月花

有廟

明開夜合二株紅艷可愛
游情詩滿壁官跡客浮槎

壁有慶佑之昇賓旭者介春桂燕山蔭湘林萬興九

諸先生詩對皆述升沉往來之跡
羨爾崇禋者馨香婉釋迎

後殿肖像祀額侯松相國二公

秋郊即目

崇墉比櫛擁柴門禾獻雙歧芥有孫

各屬呈報今秋禾多雙穗者

喜得豐

綏邊外早白沙紅樹滿江村

韓魏公罷相鎮長安或獻詩曰是非莫問門前

客得失須憑塞上翁何似碧油紅旆去鄴王

臺下醉春風公遂解組去客有以此見諷者
余曰彼一時此一時仕止久速惟聖人能得
其當耳因示一絕

從靖昔有海邊客失馬今多塞上翁解識忘機為解脫
冰天雪窖亦春風

會龍山海雲寺

窓涵武列水灣環門對僧冠半壁山

二山名

却倚高樓瞻

御苑繚垣叢樹五雲間

布達拉

華言普陀
宗乘之廟

黃教流傳藏衛多灤陽梵宇盛如何不須一辦尋南海

獅子峯高叩普陀

梵書普陀天下有三一在額訥特珂克之南海中山上有石天宮乃觀自在菩薩游舍處此真普陀也一在浙

江定海縣南海中為善才第二十叅觀音菩薩處一在圓伯特之布達拉亦觀音化現處今攷圖伯特即唐古特額訥特珂克即印度布達與普陀音相近

扎什倫布

華言須彌
福壽之廟

幾輩真修是格隆

戒僧也

時從堪布

如僧之方丈

說天東

察木多為康布達拉為衛扎什

倫布為藏即三危也又名三藏乃東天竺之地

官家舅粟征輸亟羸得番僧日念吽

吽音

鍾張昱輩下曲守內番僧

日念吽御厨酒肉按時供

秋操四行

烏桓旗營有鶴射勁弓過馬善
撰四行技藝較閱時並演雲梯

秋霜殺草風颭颭明恥教戰臨晴郊四行傑士堂之均
分行布列立不淆廣城百雉高函嶠雲梯十丈隨彩旂
數聲笳吹牛鳴窳連環進步兵擁輶短衣利劍如雄虬
捷足距躍人喊訛殺人如草如麻拋正鵠五色出林梢
韻流風發聽鳴髀五矢連中偃花梢層層落地如覆巢
其中六鈞尤可誇大羽鋼鏃聲颭颭挽強命中宜射蛟
烏城上駟一角廐頽之山立鞭毋鞘勇士超乘如虎跑

飄然一葉飛空匏布庫之戲無詬呶脫巾短構手足交
盤桓踣身輕勦躡蹶不落魯囚嘲秋獮不為充

君庖塞宴四事 天恩包四行流演 聖人教亦備武

德音膠膠塞垣閱武勵前茅時雖偃伯懲情狡角勝班
賞絕嘐嘐歸來喜氣聽鉦鏡

羅漢堂

倣海甯
安國寺

也似劉鑾繪塑成形形色色劇分明未從安國窺全相

曾向宏仁識自生

西安宏仁寺五百羅漢堂為畢秋帆中丞
仿溯江安國建者見辛丑年遊宏仁寺詩

供養香

花空有象誦持貝葉本無聲同龕彌勒應相笑未許奔

巴

瓶名藏中輿轉世之呼必勒罕者

得覆名

普甯大佛寺

吾聞妙喜空王有阿閼不壞金身高丈六恒山古郡招
提中曾見慧容百仞轟竭來塞上多精藍黃衣法侶同
修忝 天家創建有深意或倣衛藏或江南扎什倫布
布達拉萬間檀宇千尺塔玉幢金瓦影焜煌鼉鼓鯨鐘
聲鞳鞳惟茲寺肖三摩耶藩部皈依觀步踏大乘之閣

千丈強真如寶像高無量日月兩肩冰鏡滿風輪千手
曇花香瓔珞垂垂燦金粟昂首睇視不及腹振衣更上
一層樓纔見如來真面目閻浮同此歡喜緣銷兵護法
庇中千不須合十作喩讚普佑震旦慈無邊

重九日携藩部富靜齋

明比部張起東震 雁省

山際雲

及子姪輩大佛寺登高

絕無風雨窘詩才傑閣登臨望眼開霜葉紅隨山繚帶
秋菰綠畹水滌洄挿萸異姓皆兄弟送酒聯歡到僕僮

更上圓亭眺東嶺半輪斜月夜珠來

戲染鬚

事物定不移取譬白染皁染人與染絲昔賢語足攷冰
雪質能污玉石潔不保孰為涅不緇堅貞以為寶惟此
白髭鬚斯言殊落套霜痕繞鬢生星點上頰早媚內婦
疑衰熱中君惡老誰創烏之方藉飾人面槁繡同三八
深眉比一痕埽豈知洗滌頻依然顏黳黳何如任其天
早夜無自惱我是過來人願為知者道

釣魚臺道中

突兀千尋峰勢蕭疎幾處人家惟有熱河一水渡來曲

曲斜斜

兩家子

松柏兩山青門前一水紫此地萃人烟虛名兩家子

二道河子

到眼林巒逸態生每逢佳景問村名河流半送層冰響
嶺樹中懸瀑布聲不讓江南山水好況丁漠北室家盈

簡書猿鳥無相畏斗憶中原尚甲兵

郊金壩

一過郊金壩紛紛雪點飄征人忽相笑徧地是銀苗

瓦房遇雪

羣山萬壑勢相連寒氣吹來雪滿天閉戶擁爐中婦艷
敝車羸馬大夫賢無才能識金銀氣有興時尋山水緣
內翰一場春夢過且隨李廣度殘年

橋頭曉行

瑶林琪草玉坡陀
初日烘窓氣轉和
山勢漸低平野濶
橋頭一帶凍青多

過老河大風

絕似遼西去歲過
風狂浪湧大凌河
掘藏難覓朱提縣
投店何如禿老婆
天日迷離平野濶
稼禾收刈美田多
此行亦為軍儲亟
誰繼高皇猛士歌

午餐口占

竟有銀紅小蜜桃
更饒六月綠葡萄
漫言市遠無兼味

嘉果時新亦足豪

大姑山

雪骨氷姿睡起初雲鬟倭墮倩誰扶
低峰聯袂如羣娣不媿山名是大姑

回署

廿餘日也賦皇華踏徧氷山雪水涯
應識行裝非薏苡歸來馱得數囊砂

探礦行

礦字或作鑛又作鉏
周禮地官有州人

不識金銀氣強覓金銀源冰山與雪地到處恣討論昔
讀寶藏論十七種銀繁紅赤如亂絲紫白如草根或以
藥點化一流直千緡新羅或林邑朱提乃為真採法未
之及近聽商人云其要在尋釁

商人謂之釁道
當是此釁字

一氣相引援

釁得始有苗苗生乃有跟直下如掘井旁鑿似闢門砂

線貴寬長匠石首選掄砂名不一致粉頭鐵最純

粉頭鐵
一兩可

得銀五錢不易得亦
不宜見見則線閉矣

次者五花頭雞血紅如瑠鋼查亦足取

鍊餅多留痕大小花明外磨石無可存

大花明小花明磨石頭
每斤止三錢上下耳

最下錫蠟片頑鉛雜膽礬春夏悶燈時氣鬱能殺人又

防雨浸注積水如亶爰隧道撐以木足踏手亦捫惟銀

礦如此金銅迥不倫線金為上等水中珠顯珍水中金砂自然如珠

山砂止煎洗一變即成金山金之砂以火炒乾再以水淘即可煉成若銅煉更易

解壳一火煨銅砂一煉即成解壳茲銀功則倍爆爐兌爐分五火至

熬包灰底鉛乃沈銀砂經五火鉛始沈入灰中翻花如煉汞凝結為高銀

更聞其人說線皆朝崑崙東北自艮起西北乾上尋北口

外破苗自艮向坤伊犁一帶即自乾向巽皆朝崑崙是乃正脉否則枝葉而已或有倏無我觀六七處其線果向

坤有益兼有幫石勢立嶙峋如天造地設寶貨何其神
媿我讀書少此論殊未聞乃知格物者不廢窮堯言

旋任京師留別賽雨亭觀察

賽音博勒格圖
曾充軍機章京

昔年丰采重樞廷豸繡今方出鎬京三輔澄清需攬轡
六州人物待持衡諸公鳩扈丹忱濟獨我龍鍾白髮生
共勉前修膺上玖企憑銀管紀勲名

半載灤陽擁節旄

主恩召拜長農曹匡時策總輸劉

晏盼捷旌空撫孟勞卿月光華慙替服晨星零落幾同

袍名園山水猶堪憶武烈波清留幹高

丙辰任灤陽偶得一杖木質雖麤而竟體生癭
如梅花結萼堪供雅玩時 石樵夫子壽躋
九十有三矍鑠猶昔敬以為獻乃荷 賜詩

屬和謹依韻呈 誨

索笑時看幾朵花絕勝竹外一枝斜暗香欲覓溪邊雪
靈壽曾餐海上霞藜火仗渠開搦管琼章報我媿投瓜
先生墨寶詩書畫珍襲都歸弟子家

甲寅六十賤辰
夫子曾畫扇見賜